

SOALAN NO: 236

PARLIMEN MALAYSIA
PEMBERITAHU PERTANYAAN DEWAN RAKYAT

PERTANYAAN : Bertulis

DARIPADA : Tuan M. Kulasegaran [Ipoh Barat]

**SOALAN : Tuan M. Kulasegaran minta MENTERI
PERTANIAN DAN INDUSTRI ASAS
TANI menyatakan: -**

pada tahun 2013, Kementerian bersama dengan Jabatan Perikanan Malaysia telah menerbitkan Pelan Tindakan Nasional Malaysia untuk mengelakkan, menghalang dan menghapuskan pemancingan ikan yang tidak sah dan tidak terkawal. Apakah perkembangan terkini dalam perkara ini. Bilakah kita akan menandatangani Perjanjian Pelabuhan Negeri (Port State Measures Agreement), yang dikenali sebagai PSMA.

JAWAPAN

Tuan Yang Dipertua,

Untuk makluman Ahli Yang Berhormat, Pelan Tindakan Nasional untuk Mengelak, Menghalang dan Menghapuskan Penangkapan Ikan Haram, Tidak Dilapor dan Dikawal (NPOA-IUU) telah dibangunkan selaras dengan pelan yang diterima pakai oleh *Food and Agricultural Organization of the United Nations* (FAO). Ianya dirangka bagi menggariskan langkah-langkah pengurusan perikanan umum yang perlu dipatuhi merangkumi pemasaran, keperluan negara dan pengurusan perikanan serantau. Bagi memastikan usaha Malaysia untuk menangani IUU adalah berkesan, pelan tersebut akan dikaji dan disemak secara berkala pada setiap 5 tahun.

Di samping itu, Kementerian melalui Jabatan Perikanan Malaysia juga sedang bekerjasama dengan FAO bagi menjalankan analisis jurang ke atas kerangka perundangan, institusi dan operasi sebelum Malaysia bersedia untuk menjadi Parti kepada Perjanjian Pelabuhan Negeri (*Port State Measurement Agreement*, PSMA). Analisis ini dijangka akan dimulakan pada tahun 2018 di bawah FAO *Technical Cooperation Program Facility* (TCPF). Dalam masa yang sama, Malaysia telah mengambil langkah awal bagi membangunkan kapasiti *Port Inspector* melalui kerjasama bersama pihak seperti *Australian Fisheries Management Authority* (AFMA), FAO dan Interpol dalam melaksanakan langkah-langkah umum kawalan pelabuhan (*Port State Control*).